

Das si werdent dar von erlost
 Do sprach sant Augustin
 Wusste ich in der hellen den vatter myn
 Ich hatte für in zu keinem stunt
 Also wenig also für ein hant
 Owe der Jemerlichen mere
 Wie herte si ist und wie schwere
 Welche sele kumet in der hellen pin
 Das die eweliche müs do yme sin
 Und müs bünnen und broten yem me
 Und mag doch verwesen niemer me

Uer plichten Jomer sullen wir fliehen
 Und sullen uns zu den freuden ziehen
 Von sant paulus sprach das
 Do yme sin geist verzucket was
 Sitze in des dritten himels chor
 Das ma gehorte kein or
 Oder kein ouge ma gesach
 Noch kein munt nye gesprach
 Und kein hertz nye gedachte dem gelich
 Was freuden ist in himel rich
 Was ie die sele do begert
 Es wurt si zu stunt gewert
 Die freude hat uns got allen bereit
 Und wurt ouch nieman mit versait
 Es si fruge oder spade
 Got tut uns alle zit genade
 Wer ir rüchet und begert
 Und do noch wirbet er wurt gewert